



Akraneskaupstaður
Stíllholti 16-18
300 Akranes

DÓMSMÁLARÁÐUNEYTIÐ

Sölvhólsögötu 7 101 Reykjavík
sími: 545 9000 bréfasími: 552 7340
postur@dmr.is dmr.is

Reykjavík 11. mars 2019
Tilv.: DMR19010218/16.90.2.0

Dómsmálaráðuneytinu barst þann 25. janúar 2019 erindi Akraneskaupstaðar sem hefur að geyma athugasemdir vegna skertrar þjónustu á sýsluskrifstofunni á Akranesi. Vegna hagræðingar sé enginn löglærður fulltrúi með fasta viðveru á skrifstofunni og sé aðgengi að þeim að jafnaði takmarkað við einn dag í viku. Í erindinu er ráðherra jafnframt minntur á fyrri athugasemdir Akranesbæjar þess efnis að hvorki sýslumaður né lögreglustjóri séu staðsettar í stærsta byggðarkjarna umdæmisins, auk athugasemda við uppsögn starfsfólks á starfsstöð sýslumannsins á Akranesi.

Með erindinu er þess farið á leit við ráðherra að bætt verði úr stöðu mála með auknum fjárveitingum, tilfærslu verkefna eða öðrum aðgerðum sem kunna að leiða til bættrar þjónustu á Akranesi.

Í tilefni af erindinu telur dómsmálaráðuneytið rétt að upplýsa bæjarráð Akraneskaupstaðar um þá stöðu sem öll ný sýslumannsembætti landsins hafa undanfarið þurft að glíma við. Embættunum hefur verið skorinn þröngur stakkur við fjárveitingar sem ákveðnar eru hverju sinni af fjárveitingavaldinu og setur sú staða eðlilega svip sinn á starfsumhverfi embættanna. Heildarfjárveitingar hafa lækkað verulega undanfarið að raungildi og er fyrir séð að sú þróun haldi áfram ef rekstraraðstæður embættanna breytast ekki.

Undanfarin misseri hefur ráðuneytið unnið með sýslumannsembættunum að leiðum til að ná fram nauðsynlegri hagræðingu svo skapa megi ásættanlegan rekstrargrundvöll miðað við óbreytta starfsemi, án þess að þjónustan lýði fyrir. Sú viðleitni hefur ekki dugað og hafa einstaka embætti því þurft að grípa til sértækra aðgerða til að halda rekstrinum innan fjárheimilda, svo sem uppsagna og lækkun stöðugilda, og er Sýslumaðurinn á Vesturlandi því ekki einn á báti að því leyti.

Ráðuneytið hefur brugðist við ofangreindum aðstæðum með þeim stjórnþækjum sem því stendur til boða. Þannig hefur ráðuneytið unnið í stefnumótun fyrir sýslumannsembættin og á grundvelli þess kynnti ráðuneytið haustið 2018 fyrir sýslumönnum og ríkisstjórn framtíðarsýn þess í málefnum sýslumanna. Er það mat ráðuneytisins að endurskoðun á skipulagi og verklagi sýslumannsembættanna sé til þess fallin að ná fram nauðsynlegri hagræðingu í rekstri þannig að

skapa megi embættunum fullnægjandi rekstrargrundvöll til að sinna lögmæltum verkefnum og um leið að bæta þjónustu og afköst embættanna.

Auk framangreinds hefur dómsmálaráðuneytið undanfarið unnið með fjármála- og efnahagsráðuneytinu og Sýslumannaráði að heildstæðri greiningu á rekstri embættanna. Stefnt er að því að skipaður vinnuhópur muni skila af sér greiningu og tillögum að úrbótum til dómsmálaráðherra haustið 2019, sem muni ásamt öðrum aðgerðum ráðuneytisins bæta stöðu embættanna til lengri tíma lítið.

Að lokum þykir rétt að áréttta að skipulag sýslumannsembættanna er í höndum sýslumanna sjálfra, þar með talin ráðstöfun stöðugilda innan umdæmis. Sú ráðstöfun hlýtur að taka mið af verkefnum og álagi með það að markmiði að þjónustan verði eins og best verður á kosið og ráðstöfun fyrirbyggjandi fjárheimilda málefnaleg.

Dómsmálaráðuneytið mun koma erindinu á framfæri við sýslumanninn á Vesturlandi, í von um að finna megi farsæla lausn á stöðu mála með hliðsjón af þeim aðstæðum sem uppi eru. Fram að því er þess óskað að erfiðri rekstrarstöðu allra embætta landsins sé sýndur skilningur, enda sé ofangreind greiningar- og stefnumótunarvinna í þágu sýslumannsembættanna enn í vinnslu.

Fyrir hönd ráðherra


Berglind Bára Sigurjónsdóttir


Guðmundur Bjarni Ragnarsson